



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 54. Blesensium comitiorum initia.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

§. LIV.

*Blessensium comitiorum initia.*Sæcul. XVI.
A.C. 1588.

Interea Provinciarum Deputati potissima ex parte jamjam Blesas venerant, ibidem comitia a Rege indicta celebraturi. Advenerat quoque Henricus III. qui decreta solemnī supplicatione, cui ipse interfuit, Sacratissimam hostiam sibi præferri iussit: die ergo quarta Octobris, in quam prima hujus Mensis Dominica inciderat, Reginaldus Belnensis, Archiepiscopus Bituricensis, vir dignitate, & fide erga Regem insignis sacrum fecit, Claudius vero Sanctius Ebroicensis Episcopus doctrina clarus, sacram concionem habuit: die autem undecima, seu proxima Dominica ad Franciscanorum rursus Templum Rex cum Principibus, ac Proceribus Aulæ, & Ordinum delegatis venit, sumptisque Sanctissimis Sacramentis ad sanctam postremo edicto unionem se cum ceteris denuo obstrinxit, ac in sequentem Dominicam, seu decimam sextam ejusdem Mensis diem initium comitorum rejecit, quæ etiam in ampliori Blesensis arcis Aula fuere inchoata. Porro ex Cleri Deputatis numero centum, & triginta quatuor convenerant, inter quos quatuor erant Archiepiscopi, viginti, & unus Episcopi, & duo Religio-

Thuan. Dec-
vil &
Spond. l. c.
Mem. de la
Lig. t. 2.
pag. 522.

Sæcul. XVI.
A. C. 1588.

gioforum Ordinum supremi Moderatores: Nobilium vero Deputati erant centum, ac octoginta: plebæus autem Ordo submittebat centum nonaginta unum partim Viros togatos, partim Mercatores. Ipse etiam Rex, atque ambæ Reginæ hunc conventum sua honorabant præsentia.

§. LV.

Regis oratio ad comitiorum auspicia.

*Thuan. l. 92.
David. l. 9.
Mem. p. 524.* Cunctis rebus prævie dispositis, ac singulis in loco pro hisce comitiis celebrandis destinato convenientibus Rex suo insidebat folio, ad dextram vero Regina ejus Mater, atque ad lævam Regina Uxor, post eas autem suo Ordine Borbonius, & Vindocinus Cardinales, Franciscus Borbonius Contii Princeps, Carolus Suesfionum Comes ejus frater, Franciscus Borbonius Monpenserii Dux, alique Proceres suas quisque sedes occupabant. Postea Rex fatis prolixam concinnabat orationem, quam etiam gravi verborum Majestate perorabat, congregatos ita allocutus:
„Præprimis a Deo omnipotente Maximo mihi beati sui Spiritus gratiam infundi peto, ut ea fretus ad ejus gloriam, Regni tranquillitatem, populi levamen opus susceptum ad optatum finem